



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՐՄԱՎԻՐ ՄԱՐԶԻ ԱՐՄԱՎԻՐ ՀԱՄԱՅՆՔԻ ՂԵԿԱՎԱՐ

Հայաստանի Հանրապետության Արմավիրի մարզի Արմավիր համայնք
ՀՀ, Արմավիրի մարզ, ք.Արմավիր, armavir.armavir@mta.gov.am

Ո Ր Ո Շ ՈՒ Մ

06 ՄԱՅԻՍԻ 2019թվականի N 264-Ա

ԴԱՎԻԹ ԴԱՎԹՅԱՆԻՆ ՎԱՐՉԱԿԱՆ ՊԱՏԱՍԽԱՆԱՏՎՈՒԹՅԱՆ ԵՆԹԱՐԿԵԼՈՒ ՄԱՍԻՆ

Արմավիր համայնքի ղեկավարը քննության առնելով՝ Մարտունի քաղաքի Երևանյան փողոցի 22 շենքի դիմացի մայթում SAMAND մոդելի 36AO 094 հաշվառման համարանիշի մեքենայով առանց համապատասխան թույլտվության, Դավիթ Դավթյանի կողմից իրականացրած ոչ սահմանված տեղում բուսական ծագում ունեցող գյուղատնտեսական արտադրանքի առևտուր կատարելու համար տուգանք նշանակելու մասին վարչական գործը, պարզեց որ, Դավիթ Դավթյանը խախտելով Վարչական իրավախախտումների վերաբերյալ Հայաստանի Հանրապետության օրենսգրքի 162-րդ հոդվածի 2-րդ մասով սահմանված պահանջները՝ բուսական ծագում ունեցող գյուղատնտեսական արտադրանքի ոչ սահմանված տեղերում առևտուր անելը, որի համար օրենքով սահմանված կարգով նախատեսված է տուգանքի նշանակում՝ սահմանված նվազագույն աշխատավարձի տասնհինգապատիկից քսանապատիկի չափով, ինչի կապակցությամբ Գեղարքունիքի մարզային վարչության Մարտունու բաժնի տեսուչների կողմից 02.04.2019թ. արձանագրության հիման վրա 2019 թվականի ապրիլի 10-ին <<Վարչարարության հիմունքների և վարչական վարույթի մասին>> Հայաստանի Հանրապետության օրենքի 30-րդ հոդվածի 1-ին մասի <<ա>> կետի սահմանված կարգով, <<Վարչական իրավախախտումների վերաբերյալ Հայաստանի Հանրապետության օրենսգրքի 162-րդ հոդվածի 2-րդ մասի պահանջների խախտման փաստով հարուցվել է վարչական վարույթ: Արմավիրի համայնքապետարանի վարչական հանձնաժողովը (այսուհետ հանձնաժողով) իրավիճակը և անցկացրել է նիստ Դավիթ Դավթյանի բացակայությամբ, ով ծանուցված է եղել նիստի օրվա և ժամի մասին, սակայն չի ներկայացել նիստին:

Վարչական ակտն ընդունելու համար հիմք հանդիսացող փաստերը.

ՀՀ Ոստիկանության Գեղարքունիքի մարզային վարչության Մարտունու բաժնի պետի պաշտոնակատար՝ ոստիկանության փոխգնդապետ Գ. Գերասիմյանի 04.04.04.2019թ. թիվ 54/2105 գրությունը:

Գեղարքունիքի մարզային վարչության Մարտունու բաժնի տեսուչների կողմից կազմված արձանագրությունը, համաձայն որի Դավիթ Դավթյանը /հաշվառված՝ Արմավիրի մարզ, քաղաք Արմավիր Սայաթ-Նովա փողոց 23 շենք, 40 բնակարան հասցեում/ Մարտունի քաղաքի Երևանյան փողոցի 22 շենքի դիմացի մայթում SAMAND մոդելի 36AO 094 հաշվառման համարանիշի մեքենայով առանց համապատասխան թույլտվության, ոչ սահմանված տեղում իրականացրել է բուսական ծագում ունեցող գյուղատնտեսական արտադրանքի առևտուր:

Իրավախախտող Դավիթ Դավթյանից բացատրություն վերցնելու մասին 02.04.2019թ. ոստիկանության Մարտունու բաժնի տեսուչների կողմից կազմված արձանագրությունը:

Վարչական հանձնաժողովի 06.05.2019թ.թիվ 5/19 արձանագրությունը:

<<Վարչարարության հիմունքների և վարչական վարույթի մասին>> ՀՀ օրենքով սահմանված կարգով հարուցված և իրականացված վարչական վարույթի ընթացքում գործի փաստական հանգամանքների բազմակողմանի, լրիվ և օբյեկտիվ քննության արդյունքում, բացահայտելով գործի բոլոր հանգամանքները և հիմք ընդունելով վերոհիշյալ փաստերը վարչական մարմինը հաստատված է համարում հետևյալը.

Դավիթ Դավթյանը /հաշվառված՝ Արմավիրի մարզ, քաղաք Արմավիր Սայաթ-Նովա փողոց 23 շենք, 40 բնակարան հասցեում/ Մարտունի քաղաքի Երևանյան փողոցի 22 շենքի դիմացի մայթում SAMAND մոդելի 36AO 094 հաշվառման համարանիշի մեքենայով առանց համապատասխան թույլտվության, ոչ սահմանված տեղում իրականացրել է բուսական ծագում ունեցող գյուղատնտեսական արտադրանքի առևտուր:

Նշված փաստական հանգամանքները հաշվի առնելով՝ 2019 թվականի ապրիլի 10-ին <<Վարչարարության հիմունքների և վարչական վարույթի մասին>> ՀՀ օրենքի 30-րդ հոդվածի 1-ին մասի <<ա>> կետի հիմքով, Արմավիրի համայնքապետարանում հարուցված վարչական վարույթի շրջանակներում 2019 մայիսի 6-ին հրավիրվել է վարչական նիստ, որին մասնակցելու նպատակով ծանուցվել է քաղաքացի Դավիթ Դավթյանը:

Վերջինս, ծանուցված լինելով վարչական վարույթի անցկացման վայրի և ժամանակի մասին, չի ներկայացել վարչական վարույթի լսմանը:

Արդյունքում հանձնաժողովը արձանագրություն է կազմել և առաջարկել՝ իրավախախտող Դ. Դավթյանին ենթարկել վարչական պատասխանատվության և նշանակել վարչական տույժ՝ սահմանված նվազագույն աշխատավարձի տասնհինգապատիկի չափով՝ 15000 /տասնհինգ հազար/ ՀՀ դրամ:

Նախագգույնացնել Դ. Դավթյանին, որ համայնքի ղեկավարի որոշմամբ տուգանք նշանակվելուց հետո, նախատեսված արարքը վարչական տույժի նշանակման օրվանից հետո՝ մեկ տարվա ընթացքում, կրկին կատարելը՝ առաջացնում է տուգանքի նշանակում՝ սահմանված նվազագույն աշխատավարձի քառասնապատիկից մինչև հիսնապատիկի չափով:

Վարչական ակտ ընդունելու հիմնավորումը.

Համաձայն <<Տեղական ինքնակառավարման մասին>> ՀՀ օրենքի 35-րդ հոդվածի առաջին մասի 26-րդ կետի՝ համայնքի ղեկավարը, օրենքով նախատեսված դեպքերում և կարգով անձանց ենթարկում է վարչական պատասխանատվության:

Վարչական իրավախախտումների վերաբերյալ ՀՀ օրենսգրքի 162-րդ հոդվածի երկրորդ մասի համաձայն՝ բուսական ծագում ունեցող գյուղատնտեսական արտադրանքի ոչ սահմանված տեղերում առևտուր անելը՝

- առաջացնում է տուգանքի նշանակում քաղաքացիների նկատմամբ՝ սահմանված նվազագույն աշխատավարձի տասնհինգապատիկից քսանապատիկի չափով:

Ելնելով վերոգրյալից և ղեկավարվելով <<Տեղական ինքնակառավարման մասին>> ՀՀ օրենքի 35-րդ հոդվածի առաջին մասի 26-րդ կետով, Վարչական իրավախախտումների վերաբերյալ ՀՀ օրենսգրքի 162-րդ հոդվածի 2-րդ մասով, և <<Վարչարարության հիմունքների և վարչական վարույթի մասին>> ՀՀ օրենքի 53-րդ, 58-60-րդ հոդվածներով՝ և և հիմք ընդունելով Արմավիրի համայնքապետարանի վարչական հանձնաժողովի 06.05.2019թ.թիվ 5/19 արձանագրությունը՝

ՈՐՈՇՈՒՄ ԵՄ

1. Մարտունի քաղաքի Երևանյան փողոցի 22 շենքի դիմացի մայթում SAMAND մոդելի 36AO 094 հաշվառման համարանիշի մեքենայով առանց համապատասխան թույլտվության, ոչ սահմանված տեղում բուսական ծագում ունեցող գյուղատնտեսական արտադրանքի առևտուր կատարելու համար Դավիթ Դավթյանի նկատմամբ նշանակել տուգանք, 15000 /տասնհինգ հազար/ ՀՀ դրամի չափով:
2. Սույն որոշումը կարող է դատական կարգով բողոքարկվել ՀՀ վարչական դատարան՝ <<Վարչարարության հիմունքների և վարչական վարույթի մասին>> ՀՀ օրենքի 70-րդ և ՀՀ վարչական դատավարության օրենսգրքի 73-րդ հոդվածներով նախատեսված կարգով՝ դրա ուժի մեջ մտնելու օրվանից երկամսյա ժամկետում:
3. Սույն որոշման պահանջները չկատարելու դեպքում, <<Վարչարարության հիմունքների և վարչական վարույթի մասին>> ՀՀ օրենքի 88-րդ հոդվածով սահմանված կարգով այն ենթակա է հարկադիր կատարման՝ ՀՀ ԱՆ ԴԱՀԿ ծառայության միջոցով՝ անբողոքարկելի դառնալուց հետո եռամսյա ժամկետում:
4. Սույն որոշումն ուժի մեջ է մտնում կողմերին իրազեկելուն հաջորդող օրվանից կամ սույն որոշմամբ ուղղակիորեն շոշոփվող անձանց վերաբերյալ տեղեկությունները հայտնի չլինելու դեպքում հրապարակման պահից, azdarar.am կայքի և/ կամ համայնքապետարանի տեղեկագրերում հրատարակելու միջոցով:

ՀԱՄԱՅՆՔԻ ՂԵԿԱՎԱՐ՝

ԴԱՎԻԹ ԽՈՒԴԱԹՅԱՆ

2019 թ. մայիսի 6
ք. Արմավիր